


 九
 亨
 釋
 書
 二
 十
 五
 六
 七


| | | |
|--------|--------|---|
| 0931 | 貴 | 年 |
| 24 | 重 | 月 |
| 9 | 書 | 日 |
| 佛教大學藏書 | | |
| 第 | 135279 | 号 |



135279

31226

元亨釋書卷第二十五

濟北沙門 師鍊 撰

資治表六

起天曆至承
保合十一君

天曆皇帝

元年春正月夏四月丁丑改元天曆秋七月

冬十月

天曆元年丁未正月不書即位去歲四月
二十八也帝昌泰第十四子諱成明四月



改元二十二也此歲當五代漢高祖天福元年也

二年

天曆二年

三年

天曆三年

四年

天曆四年

五年

天曆五年

六年春三月太上皇祝髮構法華堂于醍醐寺夏秋冬

天曆六年三月二十四上皇出家居佛陀

寺醍醐法華之材移清涼殿材也

七年春二月修天下廢寺祠起塔于雲林寺夏秋八月寫大藏經冬

天曆七年八月寫藏五千四十八卷薦上皇也

八年春二月慶法性寺塔夏秋冬十有二月藤僕射師輔宿睿山

天曆八年十二月初五良源法師延元興寺義昭於延曆寺修法華八講四日右僕

射登山聽講

九年春正月講法華經于弘徽殿夏秋冬

天曆九年正月寫金字法華乃延名德於弘徽殿啓講席敕親王公卿各捧金玉羅純繞階昇殿行覲薦母皇太后也

十年

天曆十年

十有一年春夏秋冬十月庚辰改元天德

○天德元年十月二十七改

十有二年春正月沙門延昌爲僧正夏秋冬

天德二年

十有三年

天德三年

十有四年春夏五月轉經于十五大寺秋七月僧正延昌修法于大日院九月轉大般若經于清涼殿昌師修法于仁壽殿冬

天德四年五月十五大寺讀經除疫也七月大日院修熾盛光法攘災也九月沙門四十人讀經於清涼殿及仁壽殿熾盛光修共攘災也

十有五年春二月庚辰改元應和三月施布帛于三大寺僧正延昌修無量壽智決定如來法于延曆寺沙門寬空修孔雀經法于冷泉院夏四月轉經七大寺及諸國分寺冬十有一月昌師修安鎮法供一萬沙門

應和元年二月改元十六也三月初四東大興福延曆三寺施布帛攘災也四月轉經除疫也初二月大内火十一月移新宮詔延昌修安鎮法

十有六年

應和二年

十有七年春三月慶雲林寺塔天皇幸之夏秋八月沙門良源法藏衡講于清涼殿冬

應和三年三月十九雲林寺塔成帝幸落慶之席八月二十一設法華講筵于清涼殿延南北都名德二十人五日十座論詮至理初日朝坐南觀理爲導師北餘慶問者夕坐南安鏡爲導師北能慧問者二十二朝導南安秀問北賀秀夕導南法藏問

北覺慶二十三朝導北良源問南平州夕
導北禪愉問南千到二十四朝導北智興
問南真義夕導南湛然問北崇壽二十五
朝導北壽肇夕導北聖救問共南仲筭二
十六散導師觀理也於是乎第二日法藏
立定性二乘不成佛義覺慶問難不明源
踰次詰徵相台交鋒法戰夜深第三之日
良源本導法藏新問平州束手無分法藏
詞屈于時戶部尚書藤文範以謂南京者

春日明神之管內也南衆不競是明神之
患也我爲其胤蓋最負乎後二日不可失
也便潛馳赴南中心私誓我願於春日祠
側必遭策才相將還都神亦真真助果祠
側逢沙門仲筭筭問宮講藤公告實咬齒
伴來初仁賀圓藝爲第五日朝夕問者筭
代賀藝詞義壯麗藤公以爲不徒馳也
十有八年春正月僧正延昌寂夏秋七月癸
未改元康保沙門寬空爲僧正冬

○康保元年七月初十改

十有九年 康保二年

二十年 康保三年

二十有一年春夏五月癸丑天皇崩秋冬

康保四年五月帝不預十四出家法諱覺

貞二十五禪位太子即日崩壽常天子出

家皆書曷爲不書臨崩也何不書禪位臨

崩也

安和皇帝

○元年春正月夏四月秋八月癸亥改元安和
冬十月

安和元年戊辰正月不書即位去歲十一

月十一也帝天曆第二子諱憲平三月十

一沙門寬忠爲律師兵部尚書敦固親王

第三子寬平之孫也王孫任僧綱自忠始

不書微也八月改元十三也此歲當趙宋

太祖開寶元年也

二年春夏秋八月戊子天皇禪位于皇太子

冬

安和二年八月受禪十三也

天祿皇帝

元年春三月丙寅改元天祿夏四月秋七月

冬十月

天祿元年庚午正月不書即位去歲九月
二十三也帝天曆第五子諱守平三月之
改元二十五也此歲當開寶三年也

二年

天祿二年

三年春二月僧正寬空寂夏秋冬

天祿三年

四年春二月沙門神鎮禮宗得二州講師夏
秋冬十有二月庚子改元天延

天延元年二月藥師寺食堂火延及講堂
比丘鎮宗二人救火大殿不燒知事錄奏
差尚書左丞源涉入寺覆覈得事實敕神
鎮爲參州講師禮宗知州曷爲書得幸得
也十二月改元二十也

五年春夏五月置讀經論義于宮中上秋冬

天延二年五月初七宮中設讀經論義上四
時有之凡五番一運源勸綜二仁幹光休
三齋然源信四禪詮玄明五賀秀真義

六年 天延三年

七年春夏秋七月戊寅改元貞元冬

○貞元元年七月十三改

八年春夏秋七月沙門陽生修安鎮法冬十
月沙門寬靜良源爲僧正

貞元二年初元年五月大内火今茲七月

移新宮先令陽生修安鎮法十月之僧正

良源權也

九年春夏四月丁卯改元天元秋冬

○天元元年四月十三改

十年 天元二年

十有一年 天元三年

十有二年春夏秋八月僧正良源加大沙門
寬朝尋禪爲僧正冬

基

天元四年七月帝患瘧召良源加持愈故
爲大僧正行墓之後無大號經二百年源
乃任同日朝禪爲僧正禪權也

十有三年春正月侍中平恒昌涉睿山徵座
主良源夏秋冬十有一月沙門奮然赴宋

天元五年台山有法闍流言慈覺徒欲燒
千手院院有智證經藏朝廷恐法藏灭故
敕平侍中上山告諸耆宿固守經藏莫令
受燼時良源爲座主或奏源爲爭地故使

使徵源源抗表陳奏尋常入山皆書上曷
爲書涉檢問使也良源爲大僧正蓋書官
時爲座主也又受讒也豈讒云乎純正無
疑于疑受讒于疑者源之罪也

十有四年春三月慶圓融寺納封戶于寺夏
四月庚子改元永觀秋冬

永觀元年三月二十二寬朝僧正慶圓融
寺落二十五納封一百戶四月改元十五
也

十有五年春夏秋八月庚子天皇禪位于皇太子冬

永觀二年八月二十三太子受禪今茲八月八僧都元杲兼法務大僧正良源正寬朝先管法務時有三法務

寬和皇帝

元年春正月大僧正良源寂二月皇太后建觀音院夏四月己亥改元寬和秋八月天祿上皇祝髮冬十月

寬和元年乙酉正月不書即位去歲十月初十也帝安和長子諱師貞二月皇太后昌子於台山西麓建觀音院四月改元二十五月也八月二十九太上皇從寬朝出家法諱覺如此歲當太宗雍熙二年也

二年春夏四月太上皇受戒于東大寺六月己未天皇祝髮于花山寺聖筭十有九秋冬十有二月僧正寬朝加大

寬和二年四月天祿上皇受戒六月二十

二、中夜帝潛出宮幸花山寺剃髮法諱入
覺書聖壽貴也曷為貴妙齡果決也

永延皇帝

元年春二月沙門齋然至自宋夏四月丁酉
改元永延秋七月冬十月道皇幸南京諸寺
永延元年丁亥正月不書即位去歲七月
二十二也帝天祿長子諱懷仁四月改元
初五也此歲當雍熙四年也
二年春三月慶圓融寺塔夏秋冬

永延二年

三年春夏秋八月丙辰改元永祚冬十月僧
正尋禪賜封戶

○永祚元年八月改元初八也尋禪封一百
戶

四年春三月道皇灌頂于東寺夏秋冬十有
一月戊子改元正曆

○正曆元年三月天祿上皇從大僧正寬朝
灌頂十一月改元初七也

五年春二月辛亥天祿道皇崩僧正餘慶寂
夏秋七月沙門真義爲僧正冬

正曆二年二月道皇之崩十二也

六年春夏秋冬慶法住寺

正曆三年

七年

正曆四年

八年春夏秋冬十有一月沙門暹賀爲僧正
定僧正正權

正曆五年十一月暹賀任僧正敕曰自今

僧正正權可依臘次蓋真義少賀爲正故

有此詔此日沙門隆圓直任僧都年一十

五僕射藤道綱第六子少年僧綱自此始

九年春二月戊戌改元長德夏秋冬

長德元年二月二十二改

十年

長德二年

十有一年春夏四月議宋國新書秋冬

長德三年四月宋書議在勸修事中

十有二年春夏六月大僧正寬朝寂秋八月

僧正暹賀寂冬十有二月沙門勸修爲僧正
長德四年

十有三年春正月丁卯改元長保夏秋冬
長保元年正月十三改

十有四年春二月僧正眞義寂三月僧正勸
修加大覺慶爲僧正夏秋八月沙門寂昭赴
宋冬

長保二年

十有五年春三月修大仁王會轉壽命經于

大極殿夏秋冬十月大僧正勤修沙門明豪
賜封戶僧正覺慶加大明豪爲僧正

長保三年春天下疫三月仁王會除疫也
又於大極殿命一千沙門轉壽命經

十有六年春夏秋七月僧正明豪加大沙門
雅慶勝筭爲僧正尋光得律師八月大僧正
明豪寂冬

長保四年七月慶筭二師爲僧正自此不
言正權依正曆五年詔也是日沙門尋光

爲律師尋常律師不書曷爲書毀也曷爲
毀得覺慶之讓也讓何朝廷有賞賜僧官
慶啓讓端故毀書然何不毀度者度淺官
深君子言其深不言其淺焉

十有七年春三月沙門聖清得法印大和尚
位夏秋冬

長保五年三月聖清任法印散位之始也
十有八年春夏秋七月壬寅改元寬弘冬

○寬弘元年七月二十改

十有九年 寬弘二年

二十年 寬弘三年

二十有一年 寬弘四年

二十有二年春二月己亥寬和道皇崩夏秋
七月大僧正勸修寂冬

寬弘五年

二十有三年春夏六月定講寂勝王經于內
殿秋冬

寬弘六年六月十九延名德宮中講論寂

勝王經五日立為或先代或行或止自今
為例故書定

二十有四年春三月慶讚佛像經文夏秋冬
寬弘七年

二十有五年春夏四月僧正雅慶加大五月
慶讚大藏經于一條院六月甲子天皇崩秋
冬十月僧正勝筭寂

寬弘八年六月十三讓位二十二帝崩
長和皇帝

元年春正月夏四月秋七月冬十月大僧正
雅慶寂十有二月戊子改元長和

長和元年壬子正月不書即位去歲十月
十六也帝安和第二子諱居貞十二月改
元二十五也此歲當真宗大中祥符五年
也

二年春夏秋冬十有二月沙門明救擢僧正
僧正慶圓加大

長和二年初帝即位後耳目不明十一月

救

詔明救修法于仁壽殿帝夢明救左右耳
日日出乃入我雙眸覺後聰明如元十二
月授僧正

三年春夏秋冬十有一月大僧正覺慶寂

長和三年

四年

長和四年

五年春正月甲戌天皇禪位于皇太子夏秋
冬

長和五年正月二十九讓位

寬仁皇帝

元年春正月夏四月辛卯改元寬仁秋七月

冬十月

寬仁元年丁巳正月不書即位去歲二月

初七也帝永延第二子諱敦成四月改元

二十三也此歲當天禧元年也

二年

寬仁二年

三年春三月太相國藤道長薙髮夏秋九月

受戒于東大寺大僧正慶圓寂冬十月僧正

濟信加大

寬仁三年九月藤相國出家受戒

四年春三月大僧正濟信聽牛車夏秋七月僧正明救寂冬十月道相受戒于睿山

寬仁四年三月濟信許牛車沙門牛車自信始道相何藤相也猶寬平稱道皇也

五年春二月丁未改元治安夏秋冬

○治安元年二月初二改

六年春夏秋七月道相慶法成寺天皇幸之

定朝得法橋上人位冬

治安二年七月十四道相落慶法成寺帝率右妃太子百僚幸寺定朝何佛工也何不族工也工何登綱位朝造法成寺佛像好道相大悅擢綱位工人綱位朝爲始君子曰藏文仲祭爰居三日而死朝何不遘死乎

七年春夏秋冬十月道相上高野山十有二月僧正深覺加大

治安三年十月道相詣金剛峯寺取路南
京禮謁七大寺

八年春夏秋七月庚戌改元萬壽冬

○萬壽元年七月二十改

九年

萬壽二年

十年春正月太皇太后落髮夏五月釋心譽
賜封戶秋冬

萬壽三年正月太后上東門院出家五月
心譽封七十戶也尋常封戶不姓曷爲書

姓褒也曷爲褒帝病召譽加持乃愈帝悅
賜封戶此回非息惠故書姓而褒

十有一年春夏秋冬十有一月天皇幸法成
寺納封戶供沙門一万人十有二月甲子道
相藤道長薨

萬壽四年冬道相疾於法成寺帝幸問之
因納五百戶于寺又供南北二京比丘萬
人

十有二年春夏五月僧正院源寂秋七月戊

午改元長元冬十有二月釋心譽擢僧正

○長元元年七月改元二十五也十二月初
四心譽為道相期忌導師帝感唱演即坐
授僧正

十有三年春夏秋八月僧正心譽寂冬十有
二月大僧正濟信深覺賜封戶

長元二年十二月二僧正封各七十五戶
十有四年春夏六月大僧正濟信寂秋八月
太皇太后慶東北院僧正慶命賜封戶冬

長元三年八月二十一太右延僧正慶命
落慶東北院封七十戶依慶賞也

十有五年春夏五月釋仁海賜封戶秋冬十
有二月沙門永圓為僧正

長元四年五月仁海封七十戶依雪賞也
書姓見應也

十有六年 長元五年

十有七年春夏秋冬十有二月沙門明尊為
僧正

長元六年

十有八年春夏秋九月沙門教圓爲阿闍梨
長元七年十二月教圓爲阿闍梨阿闍梨
官自圓始

十有九年 長元八年

二十年春夏四月乙丑天皇崩秋冬

長元九年四月十七帝崩

長曆皇帝

元年春正月夏四月甲子改元長曆五月沙

門成典賜封戶秋七月冬十月

長曆元年丁丑正月不書即位去歲七月
十四也帝永延第三子諱敦良四月改元
二十一也五月成典封七十五戶此歲當
仁宗景祐三年也

二年春夏六月釋仁海沙門成典爲僧正秋
冬

長曆二年六月海典二師爲僧正曷爲姓
海族典海擢雨感故書姓典丁序選故族

三年春夏五月太皇太后受戒秋冬

長曆三年五月上東門院受戒于僧正明尊

四年春正月僧正永圓明尊受封戶夏秋九月天皇遷幸東北院冬十有一月壬辰改元長久

○長久元年正月圓尊二師封各七十五戶遷幸何九月初十京極離宮火大内未成故幸東北院書遷非法事也十一月改元

初十也

五年春夏五月問園城寺戒壇于諸宗秋冬十有二月轉經于宮中

長久二年五月十四日問三井戒壇立不事在度受志

六年 長久三年

七年春夏五月釋仁海聽輦車秋冬

長久四年夏旱五月初八仁海法寧於神泉苑十三大雨十五許輦車

八年春夏秋冬十月僧正成典寂供一萬沙門十有一月丙戌改元寬德

○寬德元年十月二十七丁酉比丘供祈道后病也十一月改元二十八也

九年春正月乙亥天皇崩夏秋冬

寬德二年正月十八帝崩

永承皇帝

元年春正月夏四月甲子改元永承五月僧正仁海寂秋七月冬十月

永承元年丙戌正月不書即位去歲四月初十也帝長曆長子諱親仁四月改元十四也此歲當慶曆六年也

二年 永承二年

三年 永承三年

四年春夏秋冬十有一月獻佛舍利于天下神祠十有二月沙門真範爲僧正

永承四年十一月諸祠舍利各一粒也

五年 永承五年

六年春三月左僕射藤公慶平等院宮中置
時經會夏秋冬

永承六年三月藤公賴通改字治別業号
平等院落之二十八時經會沙門延幸爲
導師齊朝問者幸少於朝而爲導已講也
時經會何初宮中四時延沙門讀經今茲
設講論故曰時經會書宮中于上婉文也
七年春正月轉經于大極殿夏四月修仁王
會于豐樂院慶讚大品般若經于賀茂神祠

六月轉經于大極殿秋冬

永承七年正月一千沙門讀觀世音經于
大極殿攘疫也今茲疫甚四月仁王會大
品經慶讚四部及六月大極殿一千比丘
讀金剛壽命經皆除疫也

八年春正月壬子改元天喜夏秋冬

○天喜元年正月十一改

九年 天喜二年

十年春夏秋冬十月慶圓乘寺

天喜三年十月二十五圓乘寺落慶薦長曆帝也寺在仁和寺

十有一年 天喜四年

十有二年春三月僧正明尊明快賜封戶夏秋冬

天喜五年三月二僧正封各七十五戶尊慶崇福寺新成快慶法成寺八角堂二賞也

十有三年春夏秋八月辛亥改元康平冬

○康平元年八月十三改

十有四年春夏秋七月講宸書仁王經冬

康平二年七月初十帝寫仁王護國經延名德四日啓講席慶暹法師爲講師

十有五年 康平三年

十有六年春夏五月轉仁王經于豐樂院秋冬

康平四年

十有七年 康平五年

十有八年春夏六月大僧正明尊寂秋冬十月慶睿山實相院十有二月道后慶一乘寺康平六年十二月上東門院落慶三井一乘寺道后何猶道皇也

十有九年 康平七年

二十年春二月慶讚金光明經于睿山夏五月轉大般若經于宮中仁王經于賀茂神祠孔荏經于神泉苑六月釋成尊法于神泉苑秋八月己丑改元治曆僧正覺源寂九月

慶讚白檀佛像講宸書妙法華經冬十月天皇幸法成寺僧正覺圓加大

○治曆元年夏旱詔台徒於賀茂神祠祈雨時小蛇出神殿前吐水氣小雨便灑而不出數里五月二十三神泉苑讀經三日不雨六月十五日詔成尊修法于神泉苑一七日第三日雨凡修中三雨八月改元初二也九月二十五宮中設四日八座講慶讚宸金書經王及釋迦三尊檀像薦先皇

也十月十八法成寺復帝預落慶之會
二十有一年春夏秋冬十有一月復慶大宰
府觀世音寺沙門良尊爲律師

治曆二年十一月詔大宰府慶觀世音寺
尋常復寺不書曷爲書初觀世音寺火不
空冑索像不壞宰府奏之特旨復慶故書
此歲南京七大寺奏近世不賞三會已講
學業似廢是講徒之大患也因茲官良尊
于律師尊天喜二年講師也尊興廢中選

雖微書焉

二十有二年春夏秋八月轉仁王經于天下
國分寺及諸州神祠冬十月天皇幸平等院
治曆三年八月天下諸州仁王會禳災也
十月幸宇治納封三百戶于寺
二十有三年春三月沙門性信修法于宮中
夏四月信師聽牛車庚申天皇崩秋八月轉
寂勝玉經于應天門冬

治曆四年四月十九帝崩八月初九應天

門轉經祈造宮也

延久皇帝

元年春正月夏四月己酉改元延久五月丞
相藤公修大藏會于平等院秋七月御厨供
菜蔬冬十有二月修仁王會

延久元年己酉正月不書即位去歲七月
二十一也帝長曆第二子諱尊仁四月改
元十三也五月太師藤賴通修一切經會
至今不絕七月初二詔御厨止羶腥君子

曰昔梁武供菜蔬亦來未聞之矣古所謂
佛心天子者吾皇之謂乎十二月二十仁
王會一代也此歲當神宗熙寧二年也
二年春三月大僧正明快寂夏秋冬十有一
月獻佛舍利于天下神祠十有二月慶圓宗
寺天皇幸之

延久二年十二月二十六圓宗寺成帝幸
寺親營法事落慶之寺在仁和寺南莊麗
冠都下

三年春正月轉經于尚書省夏六月設大會于圓宗寺天皇幸之秋七月僧正長信賜封戶冬

延久三年正月十六延一千沙門讀觀世音經除疫也長信之封二十五戶

四年春夏秋九月僧正長信寂冬十月置法華經會于圓宗寺天皇幸之十有二月供一萬沙門壬午天皇禪位于皇太子

延久四年十月二十五帝頒圓宗寺法華

會三井賴增爲講師興福賴真問因明義增不荅真曰已當朝選何欠博涉增曰非家學也况因明唯是破外執不言勝義諦雜學駁論勝負云乎君子曰有得有失也十二月初八讓位太子

承保皇帝

元年春正月改元承保三月僧正行觀寂夏五月太上皇祝髮秋七月冬十月

承保元年癸丑正月不書即位去歲十二

月二十九也帝延久長子諱貞仁舊史延
久六年甲寅八月二十三改元延久之五
連帝之初年也今以癸丑正月立元者寬
平之例也此歲當熙寧六年也

二年春二月沙門性信受封戶夏五月僧正
靜圓寂秋冬十有二月沙門勝範賴信爲僧

正

承保二年二月性信之封二十五戶

三年春夏四月留宋沙門成尋獻方物秋八

月釋性信祈日食冬

承保三年四月成尋闍梨獻方物宣有司
議納不八月朔日有食之信公祈有應乃
上仁和寺北院爲官寺信公居也

四年春夏六月慶睿山金剛壽院秋冬

承保四年六月金剛壽院落先朝所創至
此而成

五年春夏秋冬十有一月甲子改元承曆十
有二月慶法勝寺天皇幸之

承曆元年十一月改元十七也十二月十八帝幸慶法勝寺

六年春夏秋冬十月修大乘會于法勝寺天皇幸之

承曆二年十月初六於法勝寺創大乘會沙門暹ニ敷カ爲シ講師帝敕曰圓宗寺法華會與此合爲二會自今經二會講師當任僧綱

七年春夏五月沙門義範修孔雀經法秋冬

十月天皇幸法成寺十有一月慶金峯山塔承曆三年皇右姓焉五月二十七詔義範加護範修孔雀明王法逾期無產範行散事七月初九皇子平誕寬治帝是也散後六日世猶言範効十月法成之幸慶二塔之復也

八年 承曆四年

九年春二月丁卯改元永保三月停興福公範寺勢夏六月台徒燒園城寺秋冬十月僧

都禎範如字佐

○永保元年二月改元初十也三月初五山階寺衆燒多武峯寺始多武之奴打興福奴興福之衆怒帥師入山焚院宇時公範爲主勢朝廷誅其亂統故止寺務六月初九睿山衆燒三井寺初正月山奴辱寺奴二奴皆大津之民分爲延曆園城戶籍寺奴訟辱于山衆山衆不納卻告寺衆寺衆曰自今莫爲山役至四月比睿神祀民戶

不供山役朝廷誘寺衆不聽於是山衆大怒發師向三井寺衆嚴兵而待山衆不交鋒而頒師至此大發兵入三井此回寺衆不支山衆縱火堂宇皆灰救字佐神宮建塔十月成二十四詔禎範爲慶讚師尋常僧都不書曷爲書褒範之應朝選時爲僧都故書官貴之曷爲不書釋釋未也十年春二月修寂勝會于圓宗寺夏秋七月僧正信覺延修法寧

永保二年二月十九圓宗寺寂勝會明實
爲講師敕合前二會新立三會七月二十
八信覺修孔雀經法祈雨七日不雨覺奏
延修二七初仁和之性信有傳持孔雀經
覺借經置壇上修後七第三日八月七大
雨降聽輦車曷爲不書覺之効雜也
十有一年春二月沙門性信爲特進夏秋冬
十月慶法勝寺層塔天皇幸之

永保三年二月仁和寺性信叙二品僧位
自信始十月初一法勝塔成座主良真慶
導尋常書塔無層今何書簡也曷爲簡法
勝之塔其層九級皇城無比故書層見簡
也

十有二年春二月丙子改元應德夏秋九月
僧正信覺寂冬

應德元年二月七日改

十有三年春夏五月天皇受妙法華經于沙
門增譽秋九月釋性信寂冬

應德二年五月初十帝召增譽於內寢受
法華

十有四年春夏秋冬十有一月庚辰天皇禪
位于皇太子

應德三年十一月讓位二十六也

元亨釋書卷第二十五

元亨釋書卷第二十六

濟北沙門 師鍊 撰

資治表七

起寬治盡建
曆合十二君

寬治皇帝

元年春正月夏四月戊子改元寬治秋七月

冬十月

寬治元年丁卯正月不書即位去歲十二

月十九也帝承保第二子諱善仁四月改
元初七也此歲當哲宗元祐二年也

二年春二月太上皇幸高野山夏秋冬十月
幸睿山

寬治二年二月上皇幸高野取路南都禮
東大興福寺佛二十七入金剛峯以布帛
賜寺衆宣僧都隆明啓白緇素傾聽又敕
僧都寬意開弘法影堂作禮供養

三年春夏五月太上皇宿睿山秋冬十月藤
相國詣長谷寺十有一月藤僕射師通詣近
州彦根山十有二月太上皇幸彦根山

寬治三年五月上皇在中堂一七日十月
相國藤公慶長谷寺丈六四天王木像十
一月僕射藤師通頃年耳不聰聞彦根山
觀自在靈感入山祈之自此始聞鬪蟻十
二月上皇聞僕射之靈應幸山又得感應

四年春夏秋冬十月天皇幸清水寺

寬治四年帝宿清水寺一七日

五年春二月太上皇幸高野山夏五月大僧
正覺圓賜上首秋冬

寬治五年五月大僧正覺圓解印勅曰退
位且隨之然宮會不言夏臆猶當居大僧
正之上首

六年春夏秋七月太上皇幸金峯山冬

寬治六年七月上皇幸金峯救僧正隆命

慶讚宸書金字妙法華經及五部大乘經
因而施百袈裟于百沙門

七年

寬治七年

八年春夏秋冬十有二月壬午改元嘉保

○嘉保元年十二月十五改

九年春夏秋八月僧正隆命賜封戶冬十有
一月賜御車

嘉保二年八月帝瘧隆命加愈賞封戶十
一月帝疾又加愈聽輦車帝賜御車賀拜

之日乘之

十年春正月釋經範奏修觀音供于清涼殿
夏秋八月太上皇祝髮冬十月受沙彌戒十
有二月辛酉改元永長

○永長元年正月初承曆四年二月大内火
仁壽殿觀音供絕寬治六年僧都經範奏
法事之絕帝宣給事中成宗曰此供曩修
仁壽殿今殿未成何修之有範對曰昔我
祖弘法大師奏置此供今時仁壽爲常殿

故修于仁壽近世清涼爲常殿仁壽雖未
成清涼爲宜何以故當近帝居而修此供
因是而言假令仁壽成未如清涼之近密
矣給事復奏帝以範言爲然至此修于清
涼于今不絕俗曰二閒供尋常此供不書
今何書又定賢奉救修此供曷爲書範範
有四德故書復法事一也明故事二也辯
識三也功成不居四也功成不居何帝令
範修于清涼範舉同門定賢換也曷爲換

賢賢長於範也書奏見換也八月上皇出家十月受沙彌戒于隆命十二月改元十七也

十有一年春夏秋冬十有一月辛未改元承德

○承德元年十一月二十一改

十有二年春夏四月大僧正覺圓寂秋七月天皇幸法勝寺拜佛冬

承德二年七月二十一帝幸法勝寺禮佛

幸拜常也曷爲書褒也曷爲褒法勝者太上皇承命于延久而所建也祝贊皇祚輔翼帝業皆是也譬新主即位先謁廟堂法勝之寺鎮護之宇新主之拜猶如彼褒帝之承先志故書然何暮士庶暮王者不暮十有三年春正月沙門覺行爲親王夏秋八月戊戌改元康和冬

○康和元年正月仁和寺覺行無親王行承保之子皇子出家後爲親王自行始俗曰

法親王八月改元二十八也

一丁日二

辰和二年

十有五年

康和三年

十有六年春夏秋七月慶尊勝寺天皇幸之
沙門覺行爲特進八月戊子道后歡子崩冬
康和四年七月二十一尊勝寺成帝幸慶
之覺行之特進開眼導師賞也

十有七年春夏秋七月慶讀大藏經于法勝
寺冬

康和五年七月十三慶大藏經金書也

十有八年春二月甲寅改元長治三月尊勝
寺灌頂院成天皇幸之夏四月大僧正隆命
命聽牛車秋八月講宸書法華于宮中九月
大僧正隆命寂

○長治元年二月改元初十也三月二十四
構灌頂院于尊勝寺修結緣灌頂仁和之
覺行爲大阿闍梨四月隆命牛車依加上
皇疾也八月宸書妙經啓入講席

十有九年春二月修八講于鳥羽宮夏六月
大僧正增譽聽牛車秋冬

長治二年六月增譽牛車依加帝疾也

二十年春夏四月庚午改元嘉承秋冬

○嘉承元年四月初九改

二十有一年春夏秋七月癸卯天皇崩冬

嘉承二年七月十九帝崩

天仁皇帝

○元年春正月夏四月秋八月甲辰改元天仁

冬十月

天仁元年戊子正月不書即位去歲十二

月初一也帝寬治長子諱宗仁八月改元

二十七也此歲當徽宗大觀二年也

二年春正月沙門範俊爲僧正夏秋冬

天仁二年

三年春夏五月慶讚大藏經于法勝寺天皇

幸之秋七月庚戌改元天永冬

○天永元年五月十一上皇慶金書大藏於

法勝寺帝預焉七月改元十三也

四年春夏五月置三十講于法勝寺秋冬

天永二年五月法勝寺三十講二十一也

五年春夏四月僧正範俊寂秋冬

天永三年

六年春夏四月追興福衆羣秋七月己丑改

元永久冬

○永久元年四月睿山與興福爭相徒悉寺

入都朝廷訝其多衆遣官使諭歸南衆不

肯

一也

旨與官使交鋒不書戰痛也七月改元十

七年

永久二年

八年

永久三年

九年春夏五月沙門行尊爲僧正秋冬

永久四年

十年

永久五年

十有一年春夏四月丙辰改元元永秋九月

太上皇慶讚大藏經于熊野神祠冬十有二

月慶寂勝寺天皇幸之

○元永元年四月四改九月初七太上皇幸
熊野山慶大藏上皇幸熊野已三回至此
有是慶十二月十七寂勝寺成帝從六宮
百司幸慶

十有二年

元永二年

十有三年春夏四月庚辰改元保安秋冬

○保安元年四月十改

十有四年春夏秋冬十有一月左僕射源俊

房薨

保安二年閏五月初二台徒燒園城不書
繁也公卿之薨多曷爲書源公深我也

十有五年春夏秋冬十有二月置灌頂院于
寂勝寺

保安三年十二月十五慶寂勝寺灌頂院
十有六年春正月壬午天皇禪位于皇太子
夏秋冬

保安四年正月二十八禪位

天治皇帝

元年春正月夏四月庚戌改元天治秋七月冬十月太上皇幸高野山

天治元年甲辰正月不書即位去歲二月十九也帝天仁長子諱顯仁四月改元初三也此歲當宣和六年也

二年春正月大僧正寬助寂夏五月僧正行尊加大秋七月聽牛車冬天下放生

天治二年

三年春正月戊子改元大治夏秋冬

○大治元年正月二十二改

四年春正月沙門覺行爲儀同三司夏秋冬十月兩太上皇幸高野山

大治二年正月覺行儀同太后寶塔慶讚賞也十月兩上皇承保天仁也

五年春三月慶圓勝寺夏秋冬十月慶讚大藏經于石清水太上皇幸之

大治三年三月圓勝寺慶十三也十月大

藏慶二十一也

六年春夏秋冬十有一月停興福玄覺主務
大治四年十一月玄覺停務依衆擾也

七年春夏秋冬十月慶法金剛院

大治五年十月二十五法金剛院慶導覺
行也

八年春二月丙申改元天承夏秋七月置八
講于法勝寺冬

○天承元年二月二十九改七月法勝入講

薦承保帝國忌也

九年春三月慶得長壽院夏秋八月戊戌改
元長承冬十月慶寶莊嚴院天皇幸之太上
皇幸高野山

○長承元年三月得長壽院慶十三也八月
改元十一也十月寶莊嚴院慶初七也

十年 長承二年

十有一年春二月太上皇慶讚大藏經于法
勝寺

長承三年二月大藏經金書也常事不書
曷爲屢書慶藏切大也

十有二年春二月大僧正行尊寂夏四月庚
午改元保延秋冬

○保延元年四月二十七改

十有三年春三月慶勝光明院天皇幸之夏
秋冬

保延二年三月二十三慶鳥羽勝光明院
導師忠尋咒願覺猷帝及太上皇六宮百
司皆預會

十有四年春正月沙門定海爲僧正二月沙
門玄覺爲僧正夏秋冬十月慶安樂壽院

保延三年春海覺二僧走出焉近世僧正
不書曷爲二月二書異例也凡僧正有正
權正只一負二師皆正故書曷爲二正國
家皇子或自胎孕或潛籓咸以沙門神異
者祝祚及龍飛受大賞号曰御持僧海爲
帝御持正月爲正覺爲權在海前及海超

正興福寺衆七千人入京訟海超授因茲
二月覺爲正時有兩正南衆奏奪海復一
正朝廷不許優海之功也正貞爲二自覺
始十月十九鳥羽安樂壽院覺行爲慶導
聽牛車
十有五年春三月拒雨于鳥羽宮夏秋九月
太上皇宿睿山冬十月大僧正忠尋寂十有
一月僧正定海加大

保延四年二月二十三、四條離宮火二十

四二條宮火因茲三月十五詔定海修孔
雀經法于鳥羽宮十九朝天雨拒其色黑
時爲法効七月初十池中生一莖雙華蓮
又爲法効不書史失修者也九月二十六
上皇宿中堂一七日十一月定海爲大僧
正醍醐徒海爲初

十有六年春夏秋冬十月慶成勝寺天皇幸
之

保延五年十月二十六成勝寺落

十有七年春夏秋冬

保延六年閏五月二十五台徒燒三井

十有八年春二月慶歡喜光院三月太上皇
祝髮夏秋七月丙午改元永治冬十有二月
辛未天皇禪位于皇太弟

永治元年二月二十一歡喜光院落又三月
初十上皇出家法諱空覺受戒僧正信證
七月改元初十也十二月讓位初七也

康治皇帝

元年春正月夏四月僧正信證寂辛卯改元
康治秋七月冬十月

康治元年壬戌正月不書即位去歲十二
月二十七也帝天仁第六子諱體仁四月
改元二十八也此歲當高宗紹興十二年
也

二年春夏五月天仁太上皇受戒于東大寺
于睿山秋八月慶金剛勝院冬十月道皇次
睿山

康治二年五月十一上皇受戒東大寺十
二受戒台山八月初六金剛勝院落導師
覺與十月初三上皇次中堂次宿何異次
近宿久

三年春二月己亥改元天養夏秋冬

天養元年二月十八改

四年春夏六月修仁王會百座于得長壽院
秋七月乙丑改元久安冬

久安元年七月二十一改

五年

久安二年

六年春夏六月道皇幸睿山秋八月慶彌陀
像于鳥羽宮冬

久安三年六月十七天仁天治二上皇幸
台山召座主行玄修七佛藥師法八月十
一營佛宇于鳥羽宮安彌陀九像慶之

七年春夏四月大僧正定海寂六月講宸書
法華經于鳥羽宮秋七月道皇幸法性寺冬
久安四年六月十六延名德于鳥羽講上

皇親書經王七月十七上皇幸法性寺常
行不書曷爲書藤丞相於法性寺延一百
沙門慶新宇上皇預會褒君臣趨法事也
八年春三月慶延勝寺天皇幸之夏秋冬
久安五年三月二十延勝寺成皇帝上皇
從百僚幸慶導師行慶

九年 久安六年

十年春正月戊戌改元仁平夏秋冬

仁平元年正月二十六改

十有一年春三月僧都覺任寂夏秋冬

仁平二年三月初一覺任逝小官不書曷
爲書褒也曷爲褒宮修多也幾許修法一
萬日唱導六千座故書

十有二年春二月慶讚大藏經于熊野山夏
秋冬

仁平三年二月金書大藏慶者十四也

十有三年春夏秋八月慶金剛心院壬寅改
元久壽冬

久壽元年八月初九慶金剛心院改元二十
十一也

十有四年春夏秋七月戊辰天皇崩冬

久壽二年七月之崩二十三也

保元皇帝

元年春正月夏四月戊戌改元保元秋七月

天仁道皇崩冬十月

保元元年丙子正月不書即位去歲十月

二十六也帝天仁第四子諱雅仁四月改

元二十七也此歲當紹興二十六年也

二年 保元二年

三年春正月天皇幸法勝寺夏秋八月戊戌

天皇禪位于皇太子冬

保元三年八月十一之讓位也

平治皇帝

元年春正月夏四月甲辰改元平治秋七月

冬十月

平治元年己卯正月不書即位去歲十二

月初一也帝保元長子諱守仁四月改元
二十也此歲當紹興二十九年也

二年春正月己丑改元永曆二月皇太后落
髮夏秋冬

永曆元年正月十改二月十七上西門院
出家于法金剛院

三年春夏秋九月甲戌改元應保冬

應保元年九月初五改

四年

應保二年

五年春三月庚申改元長寬夏秋冬

長寬元年三月二十九改六月初九台徒
燒三井

六年春夏秋冬十月東大寺修萬僧會十有
二月太上皇慶蓮華王院

長寬二年二月二十二興福寺衆於東大
寺會一万沙門讀壽命經祝聖也十二月
蓮華王院之慶二十二也導師尋範

七年春夏四月太上皇宿睿山六月壬午改

泉

元永萬體皇出于蓮華王院壬寅天皇禪位
于皇太子秋冬

永萬元年四月二十三上皇宿台山一七
日六月改元初五也七日體泉涌蓮華王
院西砌今尚為甘井讓位者二十五也

仁安皇帝

元年春正月夏四月秋八月戊戌改元仁安
冬十月

仁安元年丙戌正月不書即位去歲七月

二十六也帝平治長子諱順仁八月改元

二十七也此歲當孝宗乾道二年也

二年春夏秋冬十月沙門明雲為僧正

仁安二年

三年春二月壬子天皇禪位于皇太叔夏秋
冬

仁安三年二月十九讓位

嘉應皇帝

元年春三月保元太上皇幸高野山夏四月

甲午改元嘉應六月太上皇祝髮秋七月冬
十月

嘉應元年己丑正月不書即位去歲三月
二十三也帝保元第三子諱憲仁四月改
元初八也六月初七上皇出家法諱行真
大僧正覺忠爲戒師此歲當乾道五年也
二年春夏四月太上皇受戒于東大寺秋冬
嘉應二年四月上皇受戒二十一也

三年春夏四月乙丑改元承安秋九月停七

大寺讓受冬

承安元年四月二十一改九月止七大寺
師資讓受依興福寺衆請也

四年春三月沙門公顯爲僧正夏秋冬十月
平太師清盛營法華道場

承安二年十月十五平太師營道場于福
原修法華法道皇爲大阿闍梨

五年春夏秋冬十月慶寂勝光院天皇幸之
承安三年十月二十一皇母建春門院慶

寂勝光院帝預會 六年 承安四年

七年春夏秋七月丁未改元安元冬

安元元年四月二十八改

八年春夏四月道皇受戒于睿山秋冬

安元二年四月二十七上皇受戒延曆寺

九年春夏五月僧正明雲配豆州六月賜赦

秋八月辛未改元治承冬十有二月天皇幸

蓮華王院

治承元年加州刺史師高モロカ其吏與台徒之

在郡者有爭吏治掠酷其徒訟台山台衆

奏ウケス謫師高官判緩之台衆喧訴師高之父

奏曰明雲為地時雲為座主實不然上皇

怒編管豆州五月雲發至近江台衆議曰

雲公無罪只是加州之讒耳又夫雲公無

咎受譴豈非貽吾台嶽之恥乎我等赴湖

濱當奪而歸台衆恐事不就詣山王神祠

告志且曰神若容議願見感異時一童子

狂呼曰我是明神也我又患雲師之竄喜

大衆之議耳於是乎耆宿五百餘人擲所持念珠于神前曰若所託不虛還珠於各主童子便掇散珠一一付之不有差悞因此台衆逐至粟津奪而歸台衆自山上接粟津帝又聞雲之無罪六月賜赦八月改元初四也十二月上皇慶蓮華王院塔帝幸之

十年

治承二年

十有一年

治承三年

十有二年春二月癸卯天皇禪位于皇太子夏六月遷都于攝州福原秋冬十有一月辛未復都十有二月太師清盛燒南寺

治承四年二月讓位二十一也六月初二平太師奉幼主遷都睿山木衆捧狀奏新舊二京利害凡十七條褒舊貶新因此十一月二十三翠華至自福原六月遷都曷爲不日都城不成也寶字四年之遷逾歲曷爲不日雖逾歲不成同初以仁皇子與

源光祿賴政謀伐平太師事發亡入三井
寺寺衆通書南京興福勳力助義南寺許
五月皇子以三井地狹赴南京太師發官
軍二萬追擊皇子皇子薨路南衆疾太師
挾幼主而行虐屢鼓弄太師太師大怒又
發官師討南衆南衆不降官師放火東大
興福遭延燎而燼書名去姓罪之也賴政
謀太師我輩助義有道乎君子曰楚失也
齊未爲得矣我輩聞命矣太師酷虎源公
誅之何不得之有君子曰不善謀將之罪
也

養和皇帝

元年春正月夏四月秋七月戊子改元養和
冬十月

養和元年辛丑正月不書即位去歲三月
二十二也帝嘉應長子諱言仁七月改元
十四也此歲當淳熙八年也

二年春夏四月丁卯改元壽永秋冬

壽永元年四月二十七改

三年春夏秋七月丙戌天皇如西州冬

壽永二年七月二十四平族奉帝出都

元曆皇帝

元年春正月夏四月甲戌改元元曆秋七月
冬十月

元曆元年甲辰正月不書即位去歲七月
二十六也帝嘉應第四子諱尊成四月改
元十六也此歲當淳熙十一年也

二年春夏秋八月甲子改元文治冬

文治元年八月十四改

三年

文治二年

四年春夏秋八月道皇灌頂于天王寺冬

文治三年八月二十二上皇從僧正公顯

灌頂

五年

文治四年

六年

文治五年

七年春夏四月丁酉改元建久秋冬

建久元年四月十四改

八年春夏秋冬

建久二年夏沙門榮西至自宋不書不奉
詔也

九年

建久三年

十年

建久四年

十有一年

建久五年

十有二年春三月復慶東大寺天皇幸之夏
秋冬問沙門榮西于相府

建久六年三月十二東大寺復先十一帝

從百僚幸南京源將軍賴朝嚴兵衛導師

僧正覺憲兇願僧正勝憲常復不書曷為

書大役也去歲興福之復亦大役也曷為

不書君臣之異也此歲榮西辯相府言在

傳中

十有三年

建久七年

十有四年

建久八年

十有五年春正月己酉天皇禪位于皇太子

夏秋冬

建久九年正月十一讓位

正治皇帝

元年春正月夏四月戊子改元正治秋七月
冬十月

正治元年己未正月不書即位去歲三月
三也帝元曆長子諱爲仁四月改元二十
一也此歲當寧宗慶元五年也

二年

正治二年

三年春二月甲午改元建仁夏秋冬

建仁元年二月十三改

四年春夏六月置台密禪于建仁禪寺秋冬

建仁二年六月尚書省劄賜沙門榮西置

三宗建仁寺教授學者

五年

建仁三年

六年春二月甲寅改元元久夏秋冬

元久元年二月二十改

七年春三月監造建仁禪寺夏秋冬

元久二年京畿風流言集祭西祭西辯折
明切因是建仁爲官寺得監造事在傳中
八年春夏四月戊寅改元建永秋冬

建永元年四月二十七改

九年春夏秋冬十月丁卯改元承元

承元元年十月二十五改

十年

承元二年

十有一年

承元三年

十有二年春夏秋冬十有一月巳酉天皇禪

位于皇太弟

承元四年十一月二十五讓位

建曆皇帝

元年春三月辛酉改元建曆夏四月秋七月
冬十月

建曆元年辛未正月不書即位去歲十二
月二十八也帝元曆第三子諱守成三月
改元初九也此歲春沙門俊務至自宋不
書不奉詔也當嘉定四年也

二年

建曆二年

三年春夏秋冬十有二月壬寅改元建保

建保元年十二月初六改

四年春夏秋冬

建保二年四月十六台徒燒園城

五年春夏秋七月壬戌中使問釋祭西寂冬

建保三年六月晦西公語衆曰孟秋初五

我當行都下喧傳帝聞之七月五遣中使

問之西對官使曰然然西無恙中使歸未

入宮西寂

六年

建保四年

七年

建保五年

八年

建保六年

九年春夏四月丁丑改元承久秋冬

承久元年四月十二改

十年

承久二年

十有一年春夏四月甲戌天皇禪皇太子懷

成秋冬

承久三年四月二十太子受讓曷爲不書
位六月東兵陷都七月初九廢之無即位
儀受禪不久而廢不列臯圖故書名

元亨釋書卷第二十六

元亨釋書卷第二十七

濟北沙門 師鍊 撰

志一

學修

度受

諸宗

會儀

封職

學修志一

竺乾古皇先生之設學也其要三焉曰戒焉
曰定焉曰慧焉戒之爲言也制心矣定之爲

言也靜心矣慧之爲言也明心矣三之者皆
心也故學即心也心即學也心之與學未始
閒隔八萬之異途自是而出焉三之者各有
事理生養之異而其歸一也何曰事文字之
謂矣何曰理法義之謂矣何曰生聽習之謂
矣何曰養思練之謂矣學又曰修修者密也
學者麤也修者延也學者促也雖延促鹿密
之異咸學也三世之聖人自是而出焉世之
言教者指羅漢以爲無學者爲未竭耳矣吾

曰等覺亦有學也何也羅漢之者究事生故
世曰無學未極理養故吾爲有學焉既究麤
促故世曰無學未極延密故吾爲有學焉以
是視之學學之無也非修學之無矣以修學
而言十地皆未竭故吾曰等覺亦有學也何
也理弗窮故養弗充故密弗通故延弗終故
我唯以佛地爲無學其阿羅呵阿羅漢梵音
有異者是也凡厥心之有爲皆學修也心之
無爲始爲無學也然則世之所謂有爲者非

吾之所謂有爲矣世之所謂無爲者非吾之
所謂無爲矣有學之與無學皆是也或曰生
知不學者不也我古皇能仁氏生知之大者
也猶有之矣問書選友聞定阿蘭及窮餓麻
麥六載雪山蓋照學修于吾人也其布教鹿
苑祇樹也法句之誦習頭陀之薰練咸學修
也降而逮四日四依靡不從事於斯矣東漸
支那亦皆是也羅什入關三千負笈慧遠在
廬十八結社又夫釋氏之爲學修者禪門尤

爲朴略焉豈直指單傳之法格乎然古之人
尚曰學坐禪學坐佛又曰修證非無涖汗不
得是學修而醇質者也又講有義龍律虎禪
有折床枯木皆優稱也我本朝則二域可謂
季孟之間矣北嶺撰註記之署南京立得業
之名珠頭瓜熟而相識成仁眼麻眯而性具
明皆勵學修之精也加之光定之宮度見弘
仁增命之籀選在齊衡皇王之崇勸爲不輕
耳詳載本傳此不繁焉今只舉三國勤業之

端由爲一代設化之標式以蔽四衆之省察
凡踵釋門之士未有外茲而入者矣嗚呼吾
黨之人勗之乎哉

度受志二

實相無相也豈云形質乎無相實相也不礙
形質矣頭而禿衣而褐法而戒令而律是釋
門之表帥也先佛有菩薩聲聞二僧只吾釋
迦法中聲聞僧一而已故支殊彌勒之高德
也猶混聲聞衆蓋濁世之人尚儀相也諸大

弟

弟子如陳如身子之儔佛言善來鬚髮自除
袈裟著體逮于慶喜以寶刀剃髮乃得白四
羯磨具足戒自茲比丘之度儀備矣尼者大
愛道啓端也而敬有八焉戒亦倍焉並爲世
之福田又有優婆塞優婆夷此云清信男女
也頻婆娑波斯匿君之清信者也護國給孤
臣之清信者也未利勝鬘夫人之清信者也
庵羅須曼處女之清信者也是吾佛四部之
衆也如來成道十年樓至菩薩請築壇爲比

立受戒佛於祇園外院東南建壇是印度之
廣度也永平十年佛法傳漢十四年司空劉
峻後宮陰夫人等出家是支那之度始也然
唯受三歸而已曹魏正元元年曇摩迦羅在
洛陽立具足戒羯磨朱士行爲受戒之始東
晉建元元年尼淨檢於本法得戒南宋元嘉
十一年求那跋摩於南林寺建戒壇爲僧尼
受戒是震且戒壇之始也李唐中宗景龍初
詔天下試經度僧山陰大義誦法華中第一

自爾或五百紙或百五十紙經目不定隨時
改變肅宗遭安史之亂國用罄至德始宰相
裴冕請鬻度牒謂之香水錢納百緡得度度
科大墮富情之民並鑿而爭馳貧進之士繫
祀而淹遲其後暫止即起至趙宗而益滋代
宗救大興善寺建方等戒壇由此大乘戒壇
起焉穆宗置泗州敬宗立兩街宣宗教上都
荆揚汴益葉之皆大乘壇也又穆宗長慶元
年幽州節度使劉總上表出家帝不許總以

印付留後自剃髮為僧以私弟為寺帝從其志賜大覺師号及僧臘五十五代梁太祖開平四年吳越錢鏐幼子令因為僧教賜無相大師加三十臘本朝之度始於司馬氏男多須奈名德齊女島卿為尼名善信天平七年唐道瞻來善戒法大安寺行表年七十三臘五十二就瞻重受天平勝寶六年鑑真入朝於東大寺建戒壇舊僧靈福等八十人重受新稟甚夥天平寶字六年敕西觀音東藥師

二寺築戒壇度受博焉延曆二十五年置年度科條弘仁十年最澄法師上表乞睿山大乘戒壇十四年義真始行羯磨長曆之間慈覺智證兩徒爭軋圍城沙彌不得昇睿壇三井明尊奏請戒壇于園城長久二年五月敕尚書左丞藤經輔宣問園城戒壇立否於我時法相之首經救三論之長濟慶華嚴之英良真律之師灌紐密之主深覺成奉表贊許唯台徒固執不允尔後承保帝宣禮部尚書

源隆俊賜綸綵於園城建戒壇而臨行法事
台徒燬撤至今不成元應之火攻我親視之
可謂下策矣所以歲當末後之五百時逢乖
爭之堅固乎夫度有二焉內外也皆以戒爲
標蕪滌於形戒律於心內度也初二也無蕪
滌而受戒外度也後二也曰古之言度者前
二而已今并四衆何亦後二未出塵累曷度
之有哉曰梵語波羅蜜此云到彼岸到彼岸
者度也踰生死流到涅槃岸之謂也亦菩薩

戒不言蕪剃而豈不至涅槃哉吾佛何以曰
戒波羅蜜邪亦耶舍父唯受三歸亦稱優婆
塞或五戒或菩薩戒通爲精信蓋在家之稱
也以小律儀言度前二也以摩訶行而言後
二亦度也而我分內外不得不判焉此方之
度潔白精密案延曆詔十義通五非震且誦
經之比矣李唐香水之緇趙宋清閑之緇所
未嘗聞也安慧經業醇深而賜度隆海問難
拔萃而中第中業以降學業冗散度選弛緩

多孳之族出，稚雛而補家產，窶約之民放丁壯而貪寺供，或草賊追捕逮而來投，或孽子滿舉收而寄歸，佩刀而互剝褻服，而不染是等之類，吾法亡矣。戒又四家二通二別，初天下置戒壇三所，筑之觀世音寺西州，民稟焉野之藥師寺東州，民稟焉和之東大寺中州，民稟焉皆天平之間，建焉及睿壇興野壇衰，園城壇未就，正今又只三壇而已。三壇通也，又有三摩耶戒禪門戒二戒禪密各別授，不

屬汎傳矣。然二家徒盛二戒，隨行不爲不傳焉。又壇戒多弊，動不時不期焉。有常和上恒闇梨哉孱弱，雜道頭顱圓青，右繞未充三匝。左語已數十聲，持犯何開遮，何聚如雲，散如星。國政雖清，度門雖闊，我徒不競，君子太息。安得返誦經問義之古制，我黨復精業而省濫廁乎。至長慶開平之竊臘漫号者，不唯乖真軌而甚，地卅綱夫王者之動，必率禮矣。苟任私欲，何所不至之有。故先聖制禮，則之彼

唐梁之二主只知寵其臣而不知率其禮矣
楚網曰不問老少國王奴婢先受戒者在
前坐後受者次第而坐二主不委盍問我
焉知而不問與不知不問而行之者皆非
禮矣况吾道有軌何不問我老農老圃古
之人皆問之乎哉總因二子辭富貴而投
我者善矣惜乎受竊漫而不繇也昔周襄
王弟叔帶與戎翟謀伐襄王齊桓公使
管仲平戎于周襄王大悅以上卿禮管仲
仲辭曰臣賤有司也有

天子之二守國高在若節春秋來承王命
何以禮焉陪臣敢辭王曰舅氏余嘉乃
勲毋逆朕命仲卒受下卿之禮而還仲可
謂知禮矣二子曷不若仲乎曰仲尼曰管
氏而知禮孰不知禮子之言恐戾與曰彼
一時也此一時也孔子亦曰微管仲吾夫
被髮左衽矣管仲豈可竟捐乎上之所
舉者三國之始種也我繫年之者備資治
表矣今揭三朝度戒之緒示四部受化所
從庶幾學者原始要終若夫

竭磨之法諸家各有軌則而存其人焉

諸宗志三

楞伽曰一切法不生菩薩摩訶薩不應立是宗然者如來在世已有宗分者明矣滅後瓜裂矣小乘早折十八部焉摩訶衍亦有之焉鳴龍勝立法性焉護法清辯爭空有焉其支派不勝紀矣至震且則空相播南北朝禪性盛東西京斯方有十宗皆自竺支帶將來也傳聞印度宗教殘缺震旦又或不全唯我本朝歷世崇奉其閒興衰者理之常也耳而未嘗泯沒矣今掇綱要列于後焉

三論者諸法蕩滌之深理也采中百門智之微言抽龍樹提婆之玄旨排成實而立妙義建法性而演真空談二諦者包群機也說八不者顯一性也羅什之所祖述生肇之所宣傳熾于陳隋衰于唐宋我本朝慧灌諭唱始矣智藏系授長矣為兩土之先馳啓四衆之初聽近世不絕如帶度幾見整頽綱

唯識者諸法建立之精緻也。昔慈氏大士微
塵劫前所承稟矣。世親無著夜昇都史而聽
晝降閻浮而說。以三時括一代。以三性含萬
法。接瑜伽師地而脩飾。挾因明正理而潤色。
談識智之轉成。而精粹矣。分業報之造受。而
備足矣。戒賢忍疾而待。那爛玄奘忘苦而受。
天竺慈恩弘於彼。唐道昭傳於吾國。昉教以
降。支派流溢。方今南京之地。人神幽贊。益熾
講習云。

律者比丘儀相之嘉範也。初世尊在鹿苑也。
號令四衆。肅清三業。婁被彈呵。終聞開顯。如
來深悲。猶慮未來乘急。戒緩之蕩。於堅林之
夕。扶律而談。常蓋五濁之機。宜三學之階。漸
也。滅後優婆離集律藏。而下一點。師師相付。
至僧伽跋陀羅。衆聖點記出於弘度矣。而唐
南山宣師遠取西天。曇無德前魏。曇摩迦羅
爲祖。深明持犯。盛行毗尼。故不同一紀三藏
之偏學也。是以經行道。陸足跌。天人扶持。營

立戒壇手築梵僧稱贊戒業行事之疏鈔懺
悔教誡之儀文靡不輔翼大道焉勝寶之間
鑑真來朝一摸脫印自此此土此宗昌矣其
後或微或興天下今不乏其學

華嚴者如來始成之高趣也杜順始之康藏
弘之長者旁而扶清涼斷而續五教章以包
一藏四法界以攝羣機雖設因修專說果德
一一之理窮性命十十之數表極圓諸林舌
端毗盧性海袞袞善財腳下普賢毛剎塵塵

指舍利滿慈以爲瘖聾者境界異根也取童
子婦人以爲知識者凡聖一性也非天下之
至大至廣其孰能與於此哉我本朝慈訓審
祥親受賢首至良辨而大振今之言雜華者
皆承于辨焉

天台者如來後融之妙旨也慧文神悟憲章
龍樹智者倡之章安輯之二威緘默而守荆
溪駕說而行其主也爲本爲迹其訓也爲權
爲寶其統也爲圓爲一其分也爲具爲變取

實

三諦于中論而證瓔珞始五時于華嚴而成
涅槃立觀者列十境發行者羅十乘彌綸萬
法者八教也錯綜十界者六即也一界各具
十界而百界生焉十如互含百界而千如成
焉配三世閒為三千法分而成三千復而歸
一念即復而分即分而復一心之於三觀也
亦復如是非天下之至精至微其孰能興於
此哉最澄法師應乃祖之懸記全受而歸根
殖睿嶽覆蔭寰區孫枝挺出補撐教門初會

與

昌之毀黜台文散失五代攘奪殘闕未復義
寂師求遺文於高麗及我高麗先送其書猶
不備長保二年宋咸平三寂照法師將信公問章
入宋地又持台宗諸書惠彼人故慈雲南嶽
止觀序曰日本國圓通大師寂照錫背扶桑
杯泛諸夏既登鄮嶺解篋出卷大矣哉斯文
也始自西傳猶月之生今復東返猶日之升
照又呈問章於法智智嗟嘆荅釋自此彼方
欽我國台教之盛焉昔天竺失起信論而久

矣。焚三藏譯，唐成梵流傳，印度彼高麗之書，不全備。宋人慳缺疑半矣。及我書之至，始驚邃師之無遺漏。又見問章益嚮，此土之有人也。其後法智遣比丘就我多寫，由是視之，慈雲比。我日升，不惜言乎。

密者如來事用之正印也。夫聖人用事之機，不可得而測也。故以秘密而爲言矣。聖人之有應也，隨王而殊稱焉。密嚴究竟之域，號曰毗盧。堪忍閻浮之地，號曰釋迦。自性變化之

異耳。未嘗有二矣。亞聖之士曰：金盞手周旋，二主全獲秘印，鄭重傳持，不輕與人。有龍猛者，後而出焉。亦亞聖之才也。鷹撈伽之懸識，集達磨之大成。南印之地，鐵塔之中，神人衛護，凡庸絕跡。於是龍勝擲芥子之微，啓金剛之關鍵，是秘教之所以見世矣。龍智闍梨，以長壽之質，受密藏之訣。真子金剛智唐開元七年，遠跨震且。玄宗館慈恩寺，遷薦福所。至結壇灌頂，初四年，善無畏來。又金剛手之

孫也其父達磨麴多年八百歲玄宗已居西
明寺稱爲教主二人傾蓋互相受授其學益
廣智之徒不空其才跨竈智臨沒令空見其
師龍智空承願命駕鯨浪赴師子之國觀龍
智之祖以故秘密之道大全於空矣其法分
於五摠於三合於二二者胎金也三者佛道
金也五者加寶羯也胎建四重金開九會赫
赫如也濟濟如也三劫者修時也六無畏者
修位也月之盈虧者證之階差也而皆不同

諸顯之位次也護摩獻諸聖供四爐火熾灌
頂授輪王位五瓶水清印明並持寶車兩輪
馳逐理事俱密金針雙鎖往來杵鋒利銛干
鏌猶鈍鈴音和雅韶武皆瘖其爲要也主觀
其爲修也主供能供能觀不換此身即階聖
位非天下之至上至高其孰能與於此哉延
曆之末傳教弘法一時異受故有台密有東
密台亦有慈覺智證之再稟東亦有小野廣
澤之競傳四派別流千支萬帶泛溢四海不

知紀極震且之密衰於唐末絕於宋初唯我
日域轉久轉熾南渡之後學台之清信士鎧
庵吳克已撰釋門正統扶樹台教者也言之
曰華嚴頓施別圓則無俟乎密鹿苑專說小
乘則未易用密唯方等般若二時欲轉小成
行及被接入別圓則如來始於此時有顯密
二輪之用若夫法華開顯無小無大俱入一
乘所謂密者尚何施邪唐末亂離經疏銷毀
今其法盛行於日本予嘗痛世人不學其宗
而謾議焉滔滔者鎧庵皆是也台徒以鎧菴
比雜華之李長者何其容易發言乎今見此
評宛如柄鑿之不相返也豈瑜伽金剛之乘
彼鎧菴之所弄觜乎又以方等般若為密時
者自家五時之管卦邪又華嚴不俟法華何
施之言皆不學之過也殊不知二經共瑜伽
之各一會耳只其學密之者諳悉而已
禪者如來心性之玄曠也昔婆伽梵三乘道
徧四衆化盈猶未得其人末後金色尊者契

證全付是曰正法眼藏涅槃妙心所謂教外
別傳者也四七相投至菩提達磨達磨承西
天之正統創東震之宏基捧盤軟盟叱六宗
於堂下探懷取物得一臂於雪中見其辨珠
智之發妙年宜哉獲履靈之彰滅後乎二三
稟系爲曹溪曹溪膺受桂蔭之洪業示寓樵
隱之微生弗爭衣盂手拱重寄山嶽不學文
字舌翻木藏波瀾曹溪已前此道如元氣氤
氳而著人人不省矣曹溪之後天象爛然率

土無不景仰焉初分而輪如也次列而緯如
也後加而曜如也蓋南嶽青原者兩輪也臨
雲瀉曹法者五緯也揚岐黃龍之加五家也
猶大陽大陰之成七曜矣金雞之粟廬陵之
米二輪之煦育也天下無不取之以生焉猶
何云哉今粗言緯曜之化成矣夫玄要句語
三之矣料簡賓主四之矣頭上雷轟下喝不
及掩耳目前雷閃一棒無處轉身者臨際宗
也納腳睦州門中門閉脚折封眼靈樹函內

函開眼明三句語揮劍而不痕一字禪嚼蠟而無味者雲門宗也正中徧中設五位成三疊東說西說推丁位忌十成玉顏無看黃閣簾下寶車不礙紫宸蒼生者曹洞宗也三春回齒頰勝却鷲子之神通百月列眉懷脫出應真之妙畫用劔刃上事行燃燈前機者滄仰宗也言八識而異慈恩用六相不類雜華鼓吹而曲入別調擬議則箭過新羅者法眼宗也是緯之五者也受乳哺於三角虎見步

與
蓋
驟於三脚驢其道難容受也謂之栗棘蓬其機難透脫也謂之金剛圈者揚岐也竭盡泐潭之死水鼓起智海之洪濤坐一榻而應四來立三關而接萬衲者黃龍也是加兩曜而七者也赤縣之域不承緯曜之照臨者未有之矣非天下之至純至極其孰能興於此哉初昭公稟三藏之密付道璿有行表之別傳義空得蓋官之正派而來慈覺受蕭氏之秘授而返然而四傳不嗣聞爾無聞後三百年

建久之閒建仁西公單傳全提逮于寬寶爾
隆二師鼓行東西此方殿傳雖恨遲暮百數
十歲鬱爲強宗西積翠之剎也爾隆揚岐之
胤也北地亦有新豐之微派天下之曰禪者
三家矣方今元國之禪亦此三而已餘先泯
矣

上之七是此方之名宗者也又有淨土焉有
成實焉有俱舍焉斯三爲寓宗譬國之附庸
焉而各皆有宗矣七家之者按而糝用蓋俱
成二宗亦能叙置三寶四諦攝諸名相而設
于理者成實也界根世業聖智定破事理兼
施者俱舍也凡三乘之階位三界之成壞道
法之修證業惑之伏斷基布星列無不畢見
矣故七家之者取焉昔有學負中世而廢學
者又陋其小徑而不名家也淨土一宗或大
或小依修者而然無祖宗之定系故也始韋
提希遭逆子之難如來愍而開十六觀想是
所以淨土之建也其餘修多羅散見不一焉

東晉慧遠結蓮社於廬阜支那樂邦之址也
逮李唐善導盛行之廣被緇素又諸宗碩德
參而修之所謂智者向西而稱贊杜順歷而
勸諭圓照密修雷峯遊目淨殿慈覺勸會普
賢入名勝場雖勤崇奉皆旁資之是附庸之
謂也本朝空也師倡之猶導之於唐源信源
空繼而助之雖廣行四部而無統系故今爲
寓宗宋地又此宗熾無統系者與我同焉
七家之徒互相毀訾非三論者曰幾泯絕矣

非唯識者曰不用他典非律者曰傷束縛矣
非華嚴者曰無伏斷分齊非天台者曰權實
偏取非密者曰緩事而放非禪者曰任性而
誕如是之類多矣夫物咸有弊弊者迹也達
人大觀而不見迹矣嗚嗚之者徒而嘔嘔焉
彼震旦者三論密亡者久矣唯識賢首殆于
絕矣言佛之者只三家爲全耳國家自始傳
來未嘗備類其閒有弛衰者其徒之辜也我
謂此土大乘醇淑之彊者不誣而已矣

會儀志四

易曰亨者嘉之會也傳曰某所亦某都會也然者會者通聚之謂也夫物在局必塞故聖人通之矣在獨必孤故聖人聚之矣會之時義大矣哉牟尼覺王之御於西印也嘉都之大會也一說也梵釋聖凡還沓而聽矣一餐也菩薩聲緣排列而食矣是曰二輪必於會焉二者相轉屬所謂食輪法輪也其轉處或山林僧伽藍或王宮臣民家未嘗單說獨食

焉畢食而有說請說而設食如來又不忤人情矣又夫物集而無儀則亂焉故會必嚴儀矣吾法三千之儀尚不失於獨彛况聖凡之大會哉匿王宮掖之齋文殊分領聲聞菩薩力士城林之供純陀取冠釋梵王臣是會之有儀而嚴者也又有般遮于瑟此云無遮會身毒之風俗常設焉聖凡上下賢愚通聚而無間故曰無遮嘉會之都會而不忘之者也東漢永平十四年正月南岳道士褚善信率

五嶽八山道士六百九十人上表我角試
十五日明帝幸白馬寺百官咸會焉設三壇
東壇道士置經子符籙西壇摩騰安像經舍
利中壇奉饌食奠祀道士遶壇泣曰主上信
邪玄風失緒敢置經籙於壇以火取驗即縱
火悉成燼道士相顧愧赧及焚佛經五色光
徹天表薪盡像經儼然摩騰踊身空中現諸
神變竺法蘭出和雅音敷宣佛法天雨寶華
木衆欣說上元燒燈起於此焉東晉元帝大

興元年召沙門竺潛入內殿講經以德重令
著履登殿劉宋高祖永初元年設齋內殿令
沙門道照說法覲金三萬求那跋摩居祇洹
寺講華嚴經文帝曰率公卿集座下傾聞孝
武帝大明六年四月八內殿灌佛齋蕭梁武
帝中大通元年京城大疫帝於重雲殿爲百
姓設救苦齋復幸同泰寺設四部無遮會陳
陳武帝永定三年大內設仁王大齋文帝天
嘉四年於大極殿設無身大會後主至德二

年召智聚法師於大極殿講金光明經李唐
懿宗禁中設萬僧齋帝升座讚唄長眉沙門
來應供凌空而去趙宋神宗元豐三年正月
設千僧齋於木內施千袈裟千金剛船若薦
慈聖木右福震且之會儀甚多不暇備舉本
朝敏達十三年蘇馬子營殿設大齋會爾來
斯儀尤盛率見資治表矣夫宮禁者雲天也
凡庸不可階矣雖王者無外爭柰九重深密
而多屏闈何然設無速會也隸皂步丹墀矣

夢
啓安居講也壞色排玉臺矣皆吾道之賸烈
也文末之閒宋沙門寓洛見宮中寂勝會嘆
曰偉矣哉儀也至尊之崇佛也宋地未有之
矣銀蕃之秦口恐不得併吞焉吾國蔑如也
已其殆焉斯方神靈忍坐視哉德祐二年宋
祚果絕然我文弘之二蕃寇佛神戮力爲援
焉戈矛纔交風浪俄激千艦萬卒一時破溺
豈非國家信敬供祀之所由乎

封職志五

佛者富貴之極備矣華藏世界其封富矣果
滿妙覺其職貴矣及應於闍浮尚受剎利之
種當輪王之位而視若脫屣矣乞他而食依
入而庇其旨深矣夫佛之有爲也爲他而非
自矣若其自者無爲也無爲者實際也實際
無云爲也矣其深旨之者五焉勢位妨外故
避之矣利祿蠱內故避之矣銷宿殃故避之
矣期大果不顧小利故避之矣爲世福田故
避之矣斯五者吾佛貽於吾人也吾人之於

他

五者也始四者自也後一者他也其自者避
而又避之矣其他者避自而受他矣避自故
剎種輪位皆脫屣也受他故食他庇人皆福
田也是所以吾人之有封職也而若自有者
雖針草爲難消矣若保他者雖巨萬又恬如
矣屏莎之五百車須達之百億金多多益他
我不干矣初如來置上座寺主維那故身子
冠鹿苑之座飲光知鷲嶺之事又文殊時時
主綱紀和上阿闍梨早見梵綱矣國師輪師

三藏尊者共西域之稱也至震旦益繁衍矣
不唯封給也加之以職位可謂渥寵矣不唯
僧官也重之以俗爵蓋傷於敬矣而又吾人
之不得已也又夫喪有賻窆有謚職以僧正
僧統僧錄号以國師大師禪師是等之類多
今少出其端焉西晉懷帝永嘉四年天竺佛
圖澄至後趙石季龍傾心事之号大和尚乘
輿升殿東晉孝武寧康元年詔曰法師道安
以道德照臨天人宜日食王公祿所司以時

奉給安帝隆安五年鳩摩羅什居逍遙園秦
主姚興與三千比丘執經諮稟時長安地僧
尼麈至濫猥不軌秦主令僧碧為國僧正檢
校僧尼秩同侍中給車輿吏力法欽為僧錄
僧遷為悅眾班秩有差各給親信白從三十
人南宋文帝元嘉十二年敕尼寶賢為尼僧
正二十年沙門慧嚴卒勅賜錢五萬布五十
疋孝武帝孝建元年敕道猷為新安寺法主
明帝泰始元年敕道猛為綱領賜月給三萬

令史四人白簿吏二十人車及步輿一乘又
詔僧瑾為天下僧主賜法技一部鏡磬之類親信
二十人月給錢三萬及車輿吏力順帝昇明
元年敕法持為天下僧正南齊高帝詔法顯
為京邑僧主南梁武帝天監十六年敕沙門
慧超為壽光殿學士召眾僧講解經文並居
禁中內道場自此始普通六年敕法雲為大
僧正給吏力南陳文帝敕寶瓊為京邑大僧
統南岳慧思賜大禪師北魏明元永興元年

封法果為輔國宜城子神瑞元年加封忠信
侯又加封安城公卒謚靈公文成興安元年
勅師賢為沙門統和平元年詔曇曜為昭元
都統西魏文帝大統元年勅道臻為太統北
齊文宣天保元年拜法常為國師勅曇延為
昭元上統二年詔置昭玄十統以法上為太
統令史負置五十人李唐受封爵者滋矣太
宗貞觀中封智威為引駕大師玄宗開元三
年詔一行為天師代宗敕謚達磨圓覺大師

封不空三藏開府儀同三司肅國公食邑三千戶卒贈司空德宗敕謚二祖慧可太祖禪師又充圓照內供奉開成元年敕雲端充左右街僧錄宣宗大中三年敕知玄充三教首座五代江南李主有導師号趙宋初謚天台智者法空寶覺尊者或有四字六字師号不遑救舉高宗遭金虜之連劫乏經費建炎二年十一月敕賣四字師号價二百千本朝推古三十二年觀勒始為僧正德積僧都尔來

官位相次而出大化元年置十師白鳳十四年百濟常輝賜封三十戶持統七年沙門法鏡賜田三十畝寶龜三年置十禪師延曆十七年僧階配官位永保三年沙門性信加特進凡繫年之者見于資治表斯不繫焉昔者孔子罕言利况我輩乎而立封職者令斯人知吾佛毫光之餘輝也又夫聖王之舉不苟矣大化寶龜之十師者北齊昭元十統之所自乎僧正僧都皆是也又趙宋賣號不能無

寇

議嗚呼亂離之主助一時之國用我尚怒諸
買之沙門爲誰哉比丘之浮虛至於斯矣我
按誅姦諛於旣死之刀焉昔漢武帝伐戎狄
而國寔始鬻爵史毀之唐肅宗逢羯獠之寇
而販牒祖述于漢武矣宋之賣号出于二主
乎補一時之小厄貽萬代之大疵惜乎二帝
之短術也我國家無是等醜不特士俗之醇
淑也又奉佛者深之使然乎

元亨釋書卷第二十七

135279

31226

